



Pranuar / Dorezuar Prilimjen/Prodato Recieved/Delivety	21. 11. 2022	viti god Year	2
Organ /Njesia Organ /Jednica Org /Unit	SH/MS/RRK	Nr Prot Br Prot Prot No	7248/2022
		Shtojca Prilog Appendix	
		Sasia Kolicina Quantity	1/3



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.876/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Malsore Gashi-Bajraktari-kryetare, Ardita Haxhnikaj-Demi dhe Jeton Koca-anëtarë, si dhe Zyle Millaku Gojnovci-Zyrtare e Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.876/2022 të datës 07.10.2022, të parashtruar nga ankuesi _____ me adresë _____

kundër organit të punësimit/Komuna e Mitrovicës së Jugut, në çështjen juridike “*kërkesë nga marrëdhënia e punës*”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovë, në seancën për këshillim dhe votim të mbajtur me datë 18.11.2022, mori këtë:

V E N D I M

I. APROVOHET e bazuar ankesa me numër A.nr.876/2022 e datës 07.10.2022 e parashtruar nga ankuesi _____

II. OBLIGOHET Kryetari i Komunës së Mitrovicës së Jugut, që brenda afatit prej pesëmbëdhjetë (15) ditësh nga data e pranimit të këtij vendimi, të inicioj veprimet e nevojshme ligjore për harmonizimin e koeficientit të nëpunësit civil _____ nga koeficienti gjashtë (6) në koeficientin tetë (8).

III. Këshilli i Pavarur Mbikëqyrës për Shërbimin civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ankuesi _____ është i punësuar në Komunën e Mitrovicës së Jugut, sipas Akt emërimit të datës 13.08.2012 në pozitën “*Inspektor Ndertimi*”, në Drejtorinë e Inspeksionit. Me datën 22.09.2022 përmes shkresës me numër 01-120/04-0087266/22, i është drejtuar me kërkesë Zyrës së Personelit në Komunën e Mitrovicës, lidhur me harmonizimin e koeficientit nga gjashtë (6) në koeficientin tetë (8). Ndërsa Njësia e Burimeve Njerëzore të kësaj komune me datën 26.09.2022 përmes shkresës me numër 01-120/04-0087266-2/2022 i është përgjigjur ankuesit lidhur me kërkesën e tij për harmonizimin e koeficientit dhe e ka refuzuar të njëjtën.

I pakënaqur me përgjigjen e Komunës së Mitrovicës së Jugut konkretisht Zyrës së Burimeve Njerëzore, me datën 05.10.2022 përmes Postës së Kosovës ankuesi ka parashtruar ankesën

A.nr.876/2022 me numër të protokollit 5960/2022 për Këshillin e Pavarur Mbikëqyrës për Shërbimin Civil të Kosovës, e cila në Këshill është pranuar me datën 07.10.2022, me pretendimet ankimore për harmonizimin e koeficientit nga gjashtë (6) në koeficientin tetë (8) për shkak të shkeljeve të dispozitave materiale, dispozitave procedurale dhe diskriminimit në shpërblim të pagës konform kategorisë, nivelit profesional dhe gradës.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datën 20.10.2022 ka proceduar kërkesën për përgjigje në ankesë me numër të protokollit 6316/2022 në Komunën e Mitrovicës së Jugut. Ndërsa Këshilli, me datën 01.11.2022 përmes postes elektronike e-mailit ka pranuar përgjigjen në ankesë së bashku me shkresat e bashkëngjitura të lëndës nga Komuna e Mitrovicës së Jugut.

Kolegji për Shqyrtimin dhe Vendosjen e Ankesave, me qëllim të vërtetimit të plotë dhe të drejtë të gjendjes faktike dhe bazës juridike, për marrjen e vendimit meritore ka administruar këto prova: Ankesën me numër të protokollit 5960/2022 të datës 07.10.2022 të parashtruar nga ankuesi në Këshillin e Pavarur Mbikëqyrës për Shërbim Civil të Kosovës; Përgjigjen në kërkesë me numër reference: 01.120/04-0087266-2/22 e datës 26.09.2022 të Menaxherit të Burimeve Njerëzore; Pliko/zarfa postës së Kosovës e datës 07.10.2022 e Postës së Kosovës me numër R2432029; E-mail-Përgjigje në ankesë e datës 01.11.2022; Akt emërimi i datës 14.08.2012 e ankuesit; Përshkrimi i detyrave të punës ‘*Inspektor i ndërtimit*’ i datës 24.09.2012; Kërkesë e datës 22.09.2022 me numër 01-120/04-0087266/22; Akt emërimi i datës 26.11.2013 e z.V.A; Kërkesë e datës 22.09.2022 me numër 01-120/04-0087265/22 nga z.V.A.

Kolegji për Shqyrtimin dhe Vendosjen e Ankesave, pasi ka shqyrtuar shkresat e lëndës të parashtruara nga palët në procedurë, konstatoi se ankesa e ankuesit, **është e bazuar, SEPSE:**

Lidhur me pretendimin e ankuesit për harmonizim të koeficientit të pagës për pozitën e *Inspektorit të Ndërtimit*, Kolegji ju referua nenit 19 të Ligjit Nr.06/L-114 për Zyrtarët Publikë më të cilin është përcaktuar se: “*Zyrtari publik ka të drejtë në pagë dhe shpërblim për punën e kryer si dhe shtesa të përcaktuara me Ligjin e Pagave*”, si dhe nenit 3 paragrafit 2 të Ligjit Nr.03/L-147 për Pagat e Nëpunësve Civilë më të cilin parashihet se: “*Institucionet e administratës publike të Republikës së Kosovës janë të detyruara të paguajnë pagë të njëjtë për punën me vlerë të njëjtë*”. Andaj mbi këtë bazë ligjore e nisur nga konstatimi si më lartë se ankuesi është emëruar në pozitën ‘*Inspektor i Ndërtimit*’, me koeficient gjashtë(6) të pagës, si dhe duke u bazuar në shkresën e datës 19.08.2022 të Departamentit për Menaxhimin e Zyrtarëve Publik si organ përgjegjës për përgatitjen dhe mbikëqyrjen e zbatimit të politikave për pagat e zyrtarëve publikë, me të cilin është konfirmuar se pozita inspektor me klasë profesionale 1, e ka të përcaktuar koeficientin tetë (8) të pagës, Kolegji i Këshillit konstaton së pretendimi ankimor i ankuesit për harmonizimin të koeficientit të pagës me titullin e punës është i drejtë dhe i ligjshëm.

Ndërlidhur me pretendimin ankimor si më lartë, Kolegji duke u bazuar në provat e lëndës ka gjetur se Komuna e Mitrovicës së Jugut konform kërkesës së ankuesit të datës 22.09.2022 lidhur me harmonizimin e koeficientit prej gjashtë (6) në tetë (8), të njëjtën e ka refuzuar me datë 26.09.2022 përkundër pranimit të shkresës zyrtare përmes e-mailit zyrtar të datës 19.08.2022 nga Departamenti për Menaxhimin e Zyrtarëve Publikë, ku përcaktohet se pozita e *Inspektorit-në kategorinë profesionale 1 duhet të jetë me koeficient të pagës tetë (8)*, kështu që mbi bazën e këtyre fakteve rrjedhë se mos harmonizimi-zbatimi i koeficienteve të ndryshëm të pagës për pozitë të njëjtë të punës sipas Rregullores Nr.26/2020 për Klasifikimin e Vendeve të Punës në Shërbimin Civil, rrjedhimisht në gjykimin e Kolegjit veprimet e tilla bien ndesh edhe me dispozitat e nenit 2 dhe 4 të Ligjit



Nr.05/L-021 për Mbrojtje nga Diskriminimi si dhe nenin 7 paragrafin 1 të Ligjit Nr.06/L-114 për Zyrarët Publikë me të cilin parashihet se: “*Menaxhimi i marrëdhënies juridike me nëpunësit civilë, me nëpunësit e Shërbimit Publik dhe me nëpunësit administrativo-teknikë dhe mbështetës, udhëhiqet nga ligji dhe bazohet, gjithashtu, në parimin e mundësive të barabarta, meritës, transparencës, profesionalizmit dhe paaanësisë politike, mos diskriminimit, përfaqësimit të drejtë gjinor dhe të komuniteteve dhe synon garantimin e qëndrueshmërisë dhe vazhdimësisë në detyrë...*”, kështu që Kolegji vlerëson së janë të bazuara pretendimet ankimore të ankuesit mbi bazën e harmonizimit të koeficientit të pagës me zyrtaret tjerë të nivelit të njëjtë brenda komunës.

Në rast të moszbatimit të vendimit të Këshillit nga personi përgjegjës i përcaktuar në dispozitiv të këtij vendimi, Kryetari i Këshillit ndërmer të gjitha veprimet në pajtim me nenin 21, 23 dhe 24 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, duke aplikuar edhe ndalimin e 50% të pagës mujore për personin përgjegjës deri në zbatimin e vendimit të Këshillit.

Kolegji pasi ka shqyrtuar shkresat e lëndës, e duke u bazuar në nenin 18 paragrafin 1 nën paragrafin 1.2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Vendimi hyn në fuqi në ditën e nënshkrimit nga Kryetarja e Kolegjit.

Këshillë juridike: *Kundër vendimit të Këshillit, pala e pakënaqur e mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.*

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.876/2022

Zyle Millaku Gojnovci

Proçesmbajtëse

Malsore GASHI-BAJRAKTARI

Kryetare e Kolegjit

Vendimi i dorëzohet:

- Ankuesit
- Kryetarit të Komunës së Mitrovicës së Jugut;
- Udhëheqësit të Burimeve Njerëzore në Komunën e Jugut; dhe
- Arkivit të KPMSHCK-së.